

首都師範大學中國書法文化研究院 編纂

歐陽中石 主編

文津閣四庫全書
書畫藝術文獻匯編

第三十九冊



商務印書館

本冊書目

六藝之一錄(十二)

三百五十六卷至三百八十四卷

清・倪濤

一

欽定四庫全書

六藝之一錄卷三百五十六

錢塘倪濤撰

歷朝書譜四十六

元

趙孟頫

趙孟頫字子俊

孟頫弟

亦工書殊得公之家傳

書史會要

孟頫先侍郎仵表云孟頫官承務郎同知南劍州

趙雍

欽定四庫全書

六藝之一錄
卷三百五十六

趙雍孟頫子以書畫知名

元史

趙雍字仲穆官至集賢待制同知湖州路總管府事

雍工真行草篆篆法二李而清勁有餘真行草法魏

公公嘗為幼住菴寫金網經未半雍足成之其聯續

處人莫能辨於此見其得家傳之秘

書史會要

趙奕

趙奕字仲光雍之弟隱居不仕日以詩酒自娛工真

行草書其合作者可與魏公亂真

書史會要

趙仲光書梅花雜咏

趙仲光書雖不脫文敏家法而行墨結字微有不同
王子敬云外人那得知要之不可臆論也今世傳文
敏公及仲穆書不少而仲光書獨不多見至其詩尤
不易得金陵許彥明藏其梅花雜咏多至五十首亦
可謂富矣仲光號西齋晚居吳中與崑山顧仲瑛交
仲瑛稱其風流文雅有王孫風度而無紈綺故習觀
於此詩有可想者文敏三子長亮次即仲穆仲光其

欽定四庫全書

六藝之一錄
卷三百五十六

季也或以為次子豈以亮早卒無所見耶已卯秋題

甫田集

趙鳳 趙麟

趙鳳字允文麟字彥徵

俱非子

亦習書更益以功便可

造父之域

書史會要

商挺

商挺字孟卿曹州正陰人與元好問楊奐遊世祖在

潛底聞挺名遣使徵至鹽州入對稱旨至元六年同

僉樞密院使八年陞副使有詩千餘篇尤善隸書贈

魯國公諡文定

元史

史弼

史弼字君佐蠡州博野人中統末授金符管軍總管

元貞元年同知樞密院事三年陞平章政事封鄂國

公

元史

史弼書師晉人亦善大字

書史會要

劉賡

欽定四庫全書

六藝之一錄
卷三百五十六

三

劉賡字熙載洛水人至元十三年授國史院編修官

至大三年拜翰林學士承旨言語字畫人寶而敬之

追國學
古錄

張孔孫

張孔孫字夢符世祖時拜侍御史行御史臺事

元史

孔孫書宗王黃華

書史會要

李秉彛

李秉彛字仲常世家大都通州潞縣穎悟好學十歲

能習古篆隸世祖至元初官工部尚書兩浙轉運使

嘗名其室曰閑邪世稱閑邪公

周馳閑
邪公傳

胡長孺

胡長孺字汲仲婺州永康人至元二十五年召見內

殿拜集賢修撰改教授揚州至大元年轉台州路寧

海縣主簿

元史

長孺耿介不同於俗下筆言語妙天下正書學鍾繇

刪勁骨立似其人也

書史會要

欽定四庫全書

六藝之一錄
卷三百五十六

四

胡之綱

胡之綱字仍仲

長孺從兄

嘗被薦書其於聲音字畫之說

自言獨造其妙惜其書不傳

元史胡
長孺傳

熊朋來

熊朋來字與可豫章人薦為閩海提舉儒學官而朝

廷以東南儒學之士唯福建廬陵為最盛特起朋來

連為兩郡教授所至考古篆籀文字晚以福清州判

官致仕學者稱為天慵先生

元史

往者鶴山魏公嘗以篆法寓諸隸體最為近古近時

豫章熊先生亦用之

道國學
古錄

楊桓

楊桓字武子兗州人由濟寧路教授召為太史院校書郎至元三十一年拜監察御史有得玉璽者桓辨識其文曰受天之命既壽永昌即為文述璽始末成宗即位隨秘書少監博覽羣籍尤精篆隸之學著六

書統六書汴源書學正韻行於世

元史

欽定四庫全書

六藝之一錄
卷三百五十六

五

楊桓善大小篆嘗著六書統以詒書刻之尚方篇秩

浩穰學者莫之能究

書史
會要

王暉

王暉字仲謀衛州汲縣人好學善屬文以選至京師擢為中書省詳定官轉翰林脩撰至元二十九年授翰林學士追封太原郡公諡文定

元史

天慶寺碑學士王暉書

周馳

周馳字景遠聊城人官至僉縣南廩訪使司事經術

專壹行草師二王婉約豐妍

書史
會要

劉致

劉致字時中河東人官至翰林待制風情高簡早負聲譽能篆有所著復古糾繆編行於世行草宗晉人而不純熟

書史
會要

盧摯

盧摯字處道號疎齋涿郡人官至翰林學士元初稱

欽定四庫全書

六藝之一錄
卷三百五十六

六

能詩以摯為首亦能書

書史
會要

仇遠

仇遠字仁近號山村錢塘人好書博雅楷書學歐

書史

會要

仇山村七言詩卷

予始就學時即知仇白名蓋二先生迺宋之遺老同居錢塘名望相等一時制作多出其手學者宗之爾時天竺南北兩山法席甚盛諸尊宿咸在無不與二

先生者游仇名遠字仁近自號山村民學者稱為山村先生蓋抱道博通之士也今觀其詩冲遠幽茂而靜退閑適之趣溢於言外信可敬也此詩乃為前住天平山士瞻和尚所書者今六十餘年矣今天平住山復菴禪師士瞻翁之法子也一旦得之猶獲舊物且喜且歎既為卷俾識於左夫物之廢興成敗似有存乎其間者自兵興以來故家所藏法書珍玩殘剩毀棄鮮有脫者而是書獨完于水火瓦礫之餘而又

欽定四庫全書

六藝之一錄
卷三百五十六

七

復歸於其後之人殊非偶然也俯仰今昔為之一感

慨也洪武戊辰八月東臯釋妙聲謹識

式古堂書
畫彙考

吾愛山村史詩工字亦工波瀾唐句法瀟灑晉賢風
交好論方外英雄在穀中天平宜寶護開卷氣如虹

中吳釋弘道

同上

朝野尊遺老山村有逸民書傳東晉法詩接晚唐人
樂易胸中道風流席上珍前賢不可見仰止挹清塵

吳僧守道

同上

仇先生仁近宋季老儒也與白先生湛嗣詩名並稱於吳下人謂之仇白若唐之皮陸也二先生晚年謝事樂於山湖泉石間多與方外士游名山勝地佛剎靈區足跡所到無不有其題咏兵後石刻墨本百無一二存也此數詩乃仇先生晚年所作錄與天平士瞻翁者兵後亦失去翁之徒今天平住山復菴禪師復得之於他人復菴以為傳家之珍徵余題其後衍壯時過天平見翁於松下翁善辨評論古今人物惟允於詩亦稱道仇白也仇先生詩前輩以曾論余尚何言哉然是時既失而復得禪

欽定四庫全書

六藝之一錄
卷三百五十六

八

師宜加寶重洪武二十一年歲在戊辰十一月望日燕山大慶

壽獨菴道衍

同上

吾邱衍

吾邱衍字子行太末人家於錢塘嗜古學通經史百家言工於篆籀其精妙不在秦唐二季下性放曠不事檢束眇左目左足跛而風度特醞藉每以郭忠恕自比自號貞白處士所著有周秦刻石音釋學古編篆籀之學至宋季其敝極矣子行始倡其說以復於古而吳興趙文敏公實和之其學乃大明得其傳以

名世者宛邱趙子奇濮陽吳孟思

王禪忠文公集

衍工隸書尤精於小篆

潛溪集

吾子行書素書

道備於六經語孟學者舍是則無所歸周衰老聃最先出其言不能合乎中庸然平陽嘗用之於漢蓋其清靜為宗而以柔道行之所守者亦約之故也世傳黃公素書其老氏之徒歟子房于載偉人精忠日月英氣蓋宇宙時然後言動中機會功成志遂明哲保身

欽定四庫全書

六藝之一錄卷三百五十六

九

三代而下一人而已自今觀之子房之心學果盡得之此書乎昔時圯上授受果今之書乎不必深論也明之潘君學道本於經而旁通曲究見素書而喜之蓋景慕子房之為人而并及其書也道在天地間亘古今若一賢人君子得之者若合符節惟其所遇之時不同故其設施有異耳倘使子房生三代盛時亦必興禮樂致文明功業不止如是而已故教先覺者當探其心不當泥其迹沙邱之馬牝而黃九方臯可

謂善相者矣明之之意豈果書云乎哉明之所藏本

武林吾邱衍書衍以小篆妙於今世此卷尤可觀

許謙

白雲遺藁

吾子行小篆卷

古者器物皆有銘三代制作亦有損益丹書所載器亡文存所尤可思者筆書之不可復見也處士吾子行小篆精妙當代獨步書此諸銘尚友古人之志蓋不止秦唐二李間也

道園學古錄

欽定四庫全書

六藝之一錄卷三百五十六

十

吾子行小篆杜詩諸帖

故人吾子行手蹟十二紙皆前後得於書夾所藏集而存之其為人見石塘胡先生所為墓銘後三十餘年為至元五年己卯九月九日江祁民錢良佑書

錢綱

珊瑚

吾子行書招雨師文

吾子行書古文篆韻二帙

此卷為吾子行先生筆也先生名邱衍住杭之先花

坊時年二十七即不下樓樓上下分業子弟客至僅輒止不便登通焉使登乃登先生好古變宋末鍾鼎圖書之謬寸印古篆實自先生倡之真第一手趙吳興又晚效先生法耳所著有學古編字源七辨篆品三十八則私印有竹素山房吾氏子行我最嬾懷真樂飛丹霄數印印鼻小韋帶常在手弄之蓋欲和其四稜令有古意是本真子行專業秋巖得而證寫之者焉至正七年歲次丁卯五月望嘉禾陶九成識

欽定四庫全書

六藝之一錄
卷三百五十六

十一

瑚

吾子行為錢塘人不仕不娶離世異俗好古博雅隱居教授四方之士相傾慕者冠履交於戶內而子行不以貴賤為低昂可者與之不可者拒之居僅容膝迎送未嘗下樓留心古道樂志簞瓢不與世俗爭妍蓋亦尚友千載者弘治初得說文解字篆韻為沈石田氏所少者古文篆韻耳今復得子行手跡不惟點畫足法且合之成全書良足快心耳嘉靖甲午中秋

寂園庸史王鴻羽識

同工

吾子行招翼之文

子行名衍武林人天性高抗讀書攻古文辭兼精於篆籀音律之學宋學士王忠文公皆作傳其平生著述甚富行於世者有學古編楚史檣杙晉文春秋三書此文蓋書以遺吾鄉錢翼之者舊嘗見於友人朱堯民者今歸沈津氏

寓意編

趙期頤

欽定四庫全書

六藝之一錄
卷三百五十六

十二

趙期頤字子奇汴梁人官至陝西行臺治書工於篆

書史會要

宛邱趙期頤以書名世得之吾衍者為多

潛溪集

期頤篆迹渾樸高古以禹碑周鼓為宗無一筆陽冰

擇木齋

六研齋

吳叡

吳叡字孟思杭州人少好學工翰墨尤精篆籀凡歷代古文款識制度無不考究得其要妙下筆初若不

經意而動合矩度識者謂吾子行趙文敏不能過也

自號雪濤散人

劉基覆
詠集

吳叡工小篆勻淨道逸亦能品也

六研齋
二筆

錢選

錢選字舜舉號玉潭雪川人宋景定間鄉貢進士

圖繪

寶鑑

錢舜舉小楷亦有法但未能脫去宋季衰蹇之氣

書史

要會

欽定四庫全書

六藝之一錄
卷三百五十六

十三

白珽

白珽字廷玉錢塘人官至婺州路蘭溪州判官所居

西湖有泉自天竺來及門而匯榜之曰湛淵因以自

號晚歸老栖霞又號栖霞山人長於詩文翰墨雖其

餘事亦有晉魏風

潛溪集

白珽書學米元章

書史
會要

吳福孫

吳福孫字子善杭州人效趙文敏公書得其早年楷

法之妙兼工篆籀文敏極稱許之阿榮大學士以其

所作小楷書數萬字上進因得召見巉巉學士方侍

書於閣下前奏曰臣濫得能書名如吳福孫所書雖

臣亦有所不及上領之命侍臣引金鍾酌酒以賜至

正六年授松江上海縣主簿自號清客野叟

黃文獻
公集

李侗

李侗字士宏號員嶠真逸官至集賢侍讀學士

國繪
寶鑑

李侗河東太原人好學尚氣効神苦思務求博洽而

欽定四庫全書

六藝之一錄
卷三百五十六

十四

後已故其遊戲筆墨皆超悟不羣

鐵網
珊瑚

集賢學士河東李公士宏以好書名天下稍暇則取

晉右軍縱筆擬為之所居山房之牕壁几榻硯席諸

供具花物皆奕奕有晉氣由是以擬晉題其顏

戴表
元刻

源集

李士宏臨右軍明府諸帖

李公無帖不臨可謂好學也已僕亦好書者然無暇

臨古帖但羨士宏耳子昂

鐵網
珊瑚

擬晉齊臨帖用筆圖活精到其勤篤可為世法余每

見愧悚不已自恨昏惰無此工夫耳黃石翁

同上

臨古人書多苦局促鮮能得其韻趣余素聞李公善

書今觀此帖誠得逸少筆意無愧前人也

同上

士宏天資高邁風神秀朗宜其筆墨超然蜀郡虞集

同上

右集賢侍讀學士李公士宏手臨晉王右軍明府等

帖真蹟一卷士宏名個河東太原人好學尚氣劬神

欽定四庫全書

六藝之一錄
卷三百五十六

十五

苦思務求博學而後已故其遊戲筆墨皆超悟不羣

此卷雖臨倣古人而清新婉麗自有一種風度是可

珍也泰定四年七月壬辰吳郡陸友仁書

同上

今人臨帖自松雪翁後便可到員嶠真逸謂皆有晉

人風裁此卷又薛道祖與米老書者實晉之流世豈

無斯人仙遊去已矣興懷感悼錢良右敬題

同上

余幼時每見士宏公與先君議論談笑使人敬服不

已其文章政事為當時之所推重人但知公之能書

而不知公之為人者有不在於此東昌高晉

同上

繫游藝擬晉氏河東李後十年筆墨仙茲其傳弋陽

李瓚

同上

員嶠作畫息齋伯仲間其臨摹又頡頏於松雪因學

二老斯時有三君子而能追及之可謂難矣員嶠至

今存雖獨步可也翰墨特其餘事至於立身仕途而

志氣常超然於物表此吾所以起敬者也至順辛未

仲春望日後學黃公望

同上

欽定四庫全書

六藝之一錄
卷三百五十六

十六

龍跳虎卧世眩淑忒繫其古心員嶠真逸李升

同上

論書至於孫過庭姜白石盡善盡美矣他皆未足為

評也姜臨書法多得其筆意而失其位置今再觀員

嶠所臨兼無位置之失非其胸中熟於二家之論恐

未易致也良右題

同上

公在延平日政事之餘留意翰墨故臨帖為最多此

卷又其精妙者亦何憾於古人耶吳興趙雍題

同上

余昔侍學士李公見其作書多喜矮桌執筆甚高臨

帖亦然其精熟如此非拘拘摹倣者比宜其遺墨若斯之精妙也鄱陽張所子東

同上

喬簣成

喬簣成字達之號中山

雲烟過眼錄

喬簣成見右軍千嘔帖朱巨川告跋書法不能佳而考據亦精洽據此書尾謂早歲苦吏事叢勝不為詩

當亦是邑州判官也

弁州續藁

王侯

欽定四庫全書

六藝之一錄卷三百五十六

十七

王侯不知何許人嘗僉浙東廉訪司事書蘭亭書院

扁其姓名乃與宋王侯書蘭亭扁者同

書史會要

全楚卿捨天章寺旁菴田三十畝為蘭亭書院其扁

乃廉訪分司王侯書之

癸辛雜識

張伯淳

張伯淳字師道杭州崇德人少舉童子科尋舉進士

至元二十三年薦授杭州路儒學教授大德四年拜

侍讀學士

史元

伯淳少善書法應童子科給巨筆大紙寫字伯淳書

天字以進詰之對曰惟天為大惟堯則之

養蒙先生集

王仲謀 宋齊彥

王士熙云洪上王仲謀上黨宋齊彥吳中趙子昂三

家世皆稱善書者

元文類

鄭瑤

鄭瑤字彥英與趙魏公同時其書甚相類

書史會要

章德懋

欽定四庫全書

六藝之一錄卷三百五十六

十八

章德懋與趙魏公同時專學公草書每與公代筆以

應求者之責

書史會要

葉文炳

葉文炳未詳何許人陳子振有詩贈之云墨妙當今

亞子昂

劉璋書畫史

彭師立

彭師立不知何許人趙文敏公嘗贈詩云學書工拙

何足計名世不難傳授難當有深知書法者未容俗

子議其間盖勉其學書也書畫史

滕野雲

滕野雲不知何許人能詩善書趙松雪贈詩云聞吟

淵明詩靜學右軍字書畫史

姚淡如

王逢贈詩云淡如早歲名家駒學士趙公坐以隅大

厯詩指授永和帖鈎摹梧溪集

哈刺

欽定四庫全書

六藝之一錄
卷三百五十六

七

哈刺字元素也理可溫人登進士第官至中政院使

能文辭其書宗峻正齋書畫史會要

徐應虎

徐應虎人稱文蔚先生通諸經長於詩且善書立碑

碣者多求焉解于樞極器重之潛溪集

卞仲祥

卞仲祥能詩詞善書法結交名勝與周景遠駢劉時

中致友愛狄斯彬野志續編

卞瑛 卞珏

卞瑛字仲玉仲祥孫能書弟珏字仲賓亦能書野志續編

龔璠

龔璠字子敬自高郵徙平江刻苦於學戴帥初仇仁

近胡汲仲皆與為忘年友官至儒學副提舉存悔齋集

龔璠書有晉宋人法度書史彙要

龔子敬宣城詩并識卷

余生江南所敬二子敬先生吳興姚儒行何可企及

欽定四庫全書

六藝之一錄
卷三百五十六

三十

此龔公所著對之歛衽迺癸酉閏三月廿八日暮夜

過京口天錫示此卷其述懷二章真無愧古人子敬

今亦古人矣噫句曲外史張天雨記式古堂書畫彙考

壬子秋八月余同叔明兄養病於汾湖之濱承京口

郭天錫廣陵王伯容兩來懃訊携龔子敬所寫書一

卷見示嗟嗟子敬逝矣書法絕矣外史張君與余有

卅年之交近聞隱僻修真會晤未卜何時判蠻民李

肇亨識同上

王桂

王桂字仲芳自號月溪婺之東陽人為文有前輩典刑尤工於歌詩樂府駢四儷六之語善楷書端正方嚴得顏柳遺法元初署處州麗水縣主簿受而不赴

黃文獻
公集

苟宗道

苟宗道字正甫保定人弱冠從郝經往為書佐及歸

竟以儒名家官至國子祭酒詩文書法皆具晉唐風

欽定四庫全書

六藝之一錄
卷三百五十六

三十一

致

續宏
簡錄

阿尼格

阿尼格尼波羅國人也至元十五年授光祿大夫大

司徒領將院事贈太師涼國公大柱國諡敏慧

元史

阿尼格善大字

書史
會要

廉希貢

廉希貢字鄉林畏吾人官至昭文館大學士封蘭國

公善扁鵲大字

書史
會要

周嶷

周嶷蘄黃人博識古文於篆隸尤癖嗜遠近碑刻藉手以為寶重然有求書者或非聖賢理道雖百計懇率不與儒者以是多之故所行世亦絕少

續宏
簡錄

祖子靜

祖子靜吳興人習篆師二李

書史
會要

夏日孜

夏日孜字仲善吉安人登進士第官會稽縣尹楷學

欽定四庫全書

六藝之一錄
卷三百五十六

三十二

顏魯公

書史
會要

李章

李章字君章東平人性通簡書法亦可尚

書史
會要

張衡

張衡字士衡樂陵人官至中書省員外郎少以才學

知名草書師張長史

書史
會要

李有

李有字仲芳燕人官至兩浙都轉運鹽使司經歷通

雅博暢尤工古隸書史會要

曾遇

曾遇字心傳華亭人官至吉安主簿前至元末被選

入京書泥金字藏經書史會要

李處英

李處英字元讓東平人至元間能小篆書史會要

李處英行書范文正公祠記題跋已見卷九十二

程鉅夫

欽定四庫全書

六藝之一錄
卷三百五十六

二十三

程鉅夫名文海以字行世祖時授宣武將軍管軍千

戶他日召見應奉翰林文字尋進翰林修撰大德八

年拜翰林學士追封楚國公諡文憲元史

鉅夫字體純正下筆暗合書法亦工大字書史會要

鄧文原

鄧文原字善之一字匪若綿州人至元二十七年辟

為杭州路儒學正至治二年召為集賢直學士兼國

子監祭酒贈江浙行省參知政事諡文肅元史

鄧文原正行草書早法二王後發李北海虞文靖公

云大德延祐間漁陽吳興巴西翰墨擅一代黃文獻

奉勅撰公神道碑記工於筆札與趙魏公同名書史會要

鄧文肅臨急就章

急就篇漢黃門令史游作蓋推本蒼頡爰歷博學凡

將等篇而廣之也今石刻相傳為吳皇象書比顏師

所註者無焦滅胡以下六十三字又頗有訛脫始東

漢人以用藁法寫此章故又號章草此卷前元鄧文

欽定四庫全書

六藝之一錄
卷三百五十六

二十六

肅公所臨公繇房山高公薦入掌制誥出示憲節斯

乃應奉翰林時為仲雍所書觀其運筆若神蚺出海

飛翔自如仲雍名熙于闐人好古博雅為吳郡判官

建言助役法民便之弘農楊子綸出求題故并及之

洪武十二年清明日後學袁華書於鰲峰精舍珊瑚網

嘗論急就篇此小學家之說漢史游倣凡將為之也

末叙長安涇渭街術後或增以齊國山陽二章宋歐

陽修居史館日以餘力及於是篇取州名褒次之然

是篇去逾遠脫漏舛訛不無人欲辨其失得而補增亦徒自勞耳漢人以藁法書之故曰章草此草書之祖也近世多尚草真行未始學而先習草如人未始立而欲走蓋可笑也況章草之來作於科斗籀篆觀其運筆圓轉用意深妙焉有不通篆籀而能學者哉苟有聰明之人雖不通篆籀能髣髴其形似賴刻鵠不成者耶自東漢以降臻乎妙者惟皇象鍾繇王右軍而已唐宋間人臨王右軍鍾繇所書亦不多見欲

欽定四庫全書

六藝之一錄
卷三百五十六

二十五

習之者不通篆籀誠難乎哉此卷巴西鄧文肅公所臨公在元時獨以文章名世而能書以名世號稱三大家公與焉觀公運筆用意甚合古人之妙此卷實希世之寶也亮上人出示乞余題余故以草書之難習併錄於卷末非但以警於人而有以自警也洪武二十七年蒼龍甲戌秋七月獨菴道衍寫於海雲東

軒
上同

袁楠

袁楠字伯長慶元人大德初薦為翰林院國史院檢討官陞應奉翰林文字至治元年遷侍講學士朝廷制冊勅臣碑銘多出其手贈中書省參知政事追封

陳留郡公諡文清

史元

袁楠書從晉唐中來而自成一家

書史會要

袁清容書快利沈頓亦是誠懸兒孫

恬致堂集

袁哀

袁哀字德平與伯長為族兄弟善書法隱沙家山

清容

欽定四庫全書

六藝之一錄
卷三百五十六

二十五

居士集

唐仁祖

唐仁祖字壽卿畏兀人祖曰唐古直子孫因以唐為氏成宗尊太母元妃為皇太后以仁祖善書特勅書冊文大德五年授翰林學士承旨追封洹國公諡文貞

史元

班惟志

班惟志字彥功號恕齋大梁人官至集賢待制江浙

儒學提舉初徽仁祐聖皇后以泥金寫大藏鄧文肅

舉惟志入司經局補州教授累官至今任早歲宗二

王筆勢翩翩不失書家法度晚年學黃華應酬塞責

俗惡可畏文宗嘗評其書如醉漢罵街

書史會要

惟志行書清健出塵不在趙王孫下

袁中道游居錄

顧信

顧信字善夫元大德初為浙江軍器提舉以能書稱

從浙江趙文敏公遊得其書必鑄於石作亭扁曰墨

欽定四庫全書

六藝之一錄卷三百五十六

二十七

妙晚年號樂善處士

六研齋二筆

陳夢魁

陳夢魁字希元登咸淳甲戌進士大德末典校嵯縣

庠留意書法嘗得王右軍執筆圖懸腕者二腕就几

者一能依其執筆隨意所之略無滯礙

王肯堂鬱岡齋筆塵

史文卿

史文卿字景賢自號石窗山樵泊然宦意翰墨清灑

清容居士集

郝思溫

郝思溫號東山雪菴高弟何中有郝思溫大字歌云

瘞鶴銘摩厓碑後來者誰誰繼之我嘗見龍溪之字

大如箕五百年間無此奇雪菴老東山子優鉢曇花

重現世崑崙以為筆東溟以為硯青天一張紙為我

寫太平兩大字持獻天皇九九八十一萬歲

何中知非堂集

程泳

程泳字孟游號友山世居休寧書得顏柳楷法

定宇先生集

欽定四庫全書

六藝之一錄卷三百五十六

二十八

趙儼

趙儼字子威真定人官至翰林學士善古隸

書史會要

史性良

史性良字顯甫鄆城人官至中書平章政事書有晉

人法度亦能大字

書史會要

王龍潭

王龍潭成宗時人余邨玉皇觀壁間松菴二隸字是大德

間狀元王龍潭所書頗極奇偉

金陵瑣事